



Улоһо эл, порымик да гим верг!

38-ше (3426) №,  
2019 ий 21 сентябрь,  
шуматкече.

# Будь готов/ ЯМДЕ-ЛИЙ

1933 ий 1 февраль годсек лектеш.

0+

- Кушко тыге каеда?

- Книгагудыш!



Ж. АФАНАСЬЕВАН фотожо.

- Теве толын шуна! Тиде книга-влакын илыме суртышт, - Параньга районысо Усола урем мучко салтак строй семын эртымек, Вера Григорьевна Афанасьева библиотекем омсажым комдык почо. - Пагален ўжына!

Первоклассник-влак тунамак түрлө произведенийысе персонажыш савырнышт. Илья Захаров Незнайка, а Даниэль Сунгуров Крокодил Гена лийыч.

Катя Романова ден Алёша Афанасьев, ончалза, чылт циркысе клоунла койыт. Аня Афанасьева меран маскым чиен. Рвезе-влак: Богдан Сунгуров салтак, Миша Афанасьев полицейский, а Жора Терёшин матрос (ачажат вет моряк!) - лийыч. А рывыж маске шенгелныже кӧ шылын? Маша Морозова!

В.Г.Афанасьева теве тыге йоча-влакым книга деке шўманда. Тудо тўвыра аланыште 39 ий тырша, 10 ий Усола ялысе библиотекем вуйлата. 6 тўжем 500 книгалан оза! Кажныжын кушто шогымыжым пала. Краеведений пӧлкаште 600 утла, йоча-влаклан келшышыже 200 наре книга уло.

**Л.СЕМЕНОВА.**

**Йоча-влак теве мом пален налыныт:**

- книгагудышто шыман, йўкым кугемдыде кутырыман;
- кычкыркалаш, ваш-ваш шўкедылаш ок лий;
- книгаг арун кучылтман, кышкылташ, кушкедаш огеш лий;
- книга кушто кийымым от пале гын, библиотекарь деч йодман.



## Кукнур пайрем



С.ПЕХМЕТОВАН фотожо-влак.

14 сентябрьште Шернур район Кукнур селан пайремже эртаралтын. Ты кече спорт да тўвара мероприятийлан поян лийын. Школ ончылан драматург, мер пашаен, Пеледыш пайремлан негызым пыштыше А.Ф.Конаковлан чапкўм шогалтеныт. 4-ше классыште тунемше-влак: Софья Чендемерова, Ксения Четкарёва, Дарина Пидалина, Ксения Пушкарёва – «Вперёд, Россия!» муро почеш спорт куштымаш дене пайремым почыныт. Ёдыр-влак физкультурным туныктышо В.Г.Чепакван вуйлатыме кружокыш 1-ше класс гычак коштыт.

**Т.А.КОНАКОВА,**  
**туныктышо.**




## Авам – туныктышо

Авам Римма Александровна Кельмаксала кыдалаш школыштына руш йылме ден литературы туныкта. Ме коктын йолташ ёдыр гай улына. Мёнгысё пашам ыштымем годым йёсылык лектеш гын, авам поро ой-кагашым пуа. Тудо ок вурсо, эре туныктен ойда. Школыштат тыгаяк: йоча-влаклан полша, экзаменым сайынрак кучышт манын тургыжлана. Кас еда уроклан ямдылалтеш, тетрадым терга.

**Дарья ЗАГАЙНОВА.**

**Советский район.**



У тунемме ийыште икымше урок Сенымаш темылан пёлеклалтше лийын. Ме кугезе коча-кована-влак нерген каласкаленна. Нуно герой улыт. Ме тидым шарнышаш улына. Урок мучаште Алена Витальевна Романовам у тунемме ий дене саламленна **(снимкыште).**

**7-ше классыште тунемше-влак.**  
**Звенигово, Эсмекпляк.**

Марий Элысе Роспотребнадзор управленийын увертарымыш почеш, сентябрьште 47 еным пудий пурлын. Тышеч 8-же – 14 ийым темдыме йоча.



21 сентябрь Россияште Воинский чап кече семын палемдалтеш. 1380 ийыште князь Дмитрий Донскойын вуйлатыме руш войска Куликово пасушто татар-монгол-влакым кырен шалатен. Ты сенымаш руш калыкым пентгыдемден да тушманын индырен илымыш деч пўтынек утлаш амалым ыштен.




1799 ий 24 сентябрьште фельдмаршал Александр Васильевич Суворовын вуйлатыме руш войска Швейцарийыште Альпа курыкым вончымыш годым Сен-Готард перевалыште француз-влакын авырымышт гыч лектын, нуным сенен, Россияшке каен. А.В.Суворовлан геройлыкым ончыктымышлан генералиссимус званийым пуэныт.



Икымше тўнямбал сарыште, 1914 ий 26 сентябрьште, генерал Николай Ивановын вуйлатыме руш армий Галицийский кредалмаште австро-венгр войскам кырен шалатен. Тиде вашпижмаш эн вианлан шотлалтеш.


## Историйым шергалына



«Межрегиональный центр по делам детей и молодежи» АНО «Идалыкын тунемшыже – 2019» национальный конкурсым увертарен. Танасымашке 9-11-ше класслаште тунемше-влак ушнен кертыт. Йодмашым 27 октябрь марте пуыман. Тўрыс уверым [rosdetstvo.com](http://rosdetstvo.com) сайтыште ончыза.



«Красота Божьего мира» тўнямбал сўрет конкурсын регионсыо этапше Марий Элыште эртаралтеш. Тудо Кугу Ачамланде сарыште Сенымылан 75 ий темылан пёлеклалтеш. Конкурс кок этап гыч шога: районсыо да республикысе. 8-17 ияш ёдыр-рвезе-влак, ушныза.



Россиясые тўвара да просвещений министерстве-влак, «Яндекс» компаний «Культурный марафон» тўвара да тунемме акцияым 1 октябрь гыч 14 ноябрь марте эртарат. Тушко 1-11-ше класслаште тунемше, туныктышо, книгагудо пашаен-влак ушнен кертыт. Уверым [education.yandex.ru/culture](http://education.yandex.ru/culture) сайтыште ончыза.



И.РЕЧКИНЫН фотожо.

## Тўслен ончыман

16 сентябрьште Республикысе сўрет сымыктыш тоштерыште кумдан палыме марий сўретче, Россий Федерацийын сулло художникше Иван Ямбердовын **(снимкыште)** ончерже почылтын. Тудо М.Шкетан лўмеш театрын 100 ияш лўмгечжлан пўлеклалтын. Сўретчым шочмо кечыже да сымыктыш пайрем дене Марий Элысе тўвыра, печать да калык-влакын пашашт шотышто министрын алмаштышыже М.И.Матвеев, йолташыже да лишыл енге-влак саламленият. Театрлан пўлеклалтше пашаже-влакым ончен, М.Шкетан театрын эртыме корнымым шымлаш да тачысе тўсшым ужаш лиеш. Выставкыште кумдан палыме да самырык артист, режиссёр, драматург-влакын: К.Коршуновын, С.Кириллован, В.Бурлаковын, В.Пектеевын, М.Почтенован, С.Филиппован да молынат – портретыштым, шкенжын автопортретшым, «Мўкш отар» спектакльлан келыштарыме сўрет-влакым да моло композиций-влакым ужаш лиеш. Иван Ямбердын кажне сўретыштыже – келге шонымаш, илыш философий, марий калыкын тўняумылымышыже. Художникын радынажым икымше гана ончалмаште умылаш огеш лий – тўслен ончыман.

**Х.АЛЕКСАНДРОВА.**



**2020 ий –  
Сенгымашлан  
75 ий.**

### Ме шарнена!

Идым тылзын кокымшо кечынже Сысоево школыш Совет Ушем Герой Алексей Фёдорович Гвоздевын ўдыржў Таисья Алексеевна толын ыле. Тудо мыланна шкеж да ачажын подвигше нерген каласкален. Алексей Фёдорович танкын командирже лийын. Тудо Сталинград деч Прага марте эртен, Берлиным налмаште лийын. А.Ф.Гвоздевлан Яско-Кишинёв крдалмаште шкенжым лўддымын ончыктымыжлан Герой лўмым пуэныт. Сар мучко латик танкым вашталтен, война гыч пўртылын.

Таисья Алексеевна шке сўретше-влакым конден, кажныж нерген каласкален да школлан пўлеклен. Нунын коклаште ачажын портретше уло. Таисья Алексеевна дене вашлиймашлан пеш куаненна, да тудат йывыртеме кумылжым почын ойлен.

Ме кугешнена, мемнан Савак кундемаштына Совет Ушем кок Геройна уло: С.Р.Суворов да А.Ф.Гвоздев.

**Ксюша ОКУ-  
НЕВА.  
Марий  
Турек  
район.**



### Конкурс

Республикысе марий тўвыра рўдер **«Мый да шочмо йылмым туныктышем»** йоча усталык конкурсым увертарен. Конкурсыш 10-14 ияш ўдыр-рвезе-влак ушнен кертыт.

Паша-влакым 30 сентябрь марте mari-centr@mail.ru электрон почто але Йошкар-Ола, Первомайский урем, 109 пўрт адрес дене колтен шуктыман. Чыла йодышым 8(8362) 45-88-51 номер дене рашемдаш лиеш.

### Теме-влак:

– «Икымше туныктышем» – туныктышо да йочасадысе педагог-влак нерген.

– «Йўратыме туныктышем» – шочмо йылмым да ИКН-м туныктышо-влак нерген.

– «Нуно тўналтышым пыштеныт» – школын, районын, республикын историешыже кодшо туныктышо-влак нерген.

### Каныш жапем

«Ямде лий» газетыш возымемлан тений кенезым мый вич кечылан «Марий юнкор» слўтыш Йошкар-Олаш миенам. Тоштерыш, галерейыш, радио ден телевидений студийыш коштынна. Жап пеш писын эртен, чеверласыме годым шукуштын шинчавўдыштат лектын. Мыланем тиде каныш жап пеш келшен!

**Ваня РЕПИН.  
Советский,  
Ўрша.**

### Книга – йолташ

Мый книгаг лудаш моткоч йўратем. Авам сылнымут деке изиэм годымак кумыланден. Кажне кечын йўкын лудыктен, интонацийым эскерыктен, мом лудмым каласкалыкден. Мыланем «Меран ден рывыж» йомак эн чот келшен. Кызыт урок деч вара книгагудышко коштам. Келшыше книгаг ойырен налам. Авамлан сылнымут деке шўмандымыжлан таум ойлем. Книгаг лудын, шуко онгайым пален налат, кутырымо йилме виянеш, вуйуш писештеш. Мый кугешнен ойлем: «Книга – лишыл йолташем».

**Яна ДМИТРИЕВА.**

**Морко, Коркатово.**



## Колышт,



ЙОЛТАШЕМ

Марий Эл  
Республикысе наркологий  
диспансер дене пырля  
шындарыме проект

## Шокшо салам, пагалыме шольым!

Кугу олаш илаш кусныметлан куаненем, тунемаш пурымет дене кугешнем. Кузе ола ила? Кузе тунеммашет? Шукерте огыл телевизор дене наркоман-шамыч нерген передачым ончымым деч вара чонемым шўлык авалтыш. Передачыште наркоман-влакын чотышт куге мын манын каласышт. Наркотикын самырык ег-влакым пытарымыж нерген ойлышт. Кузе тиде аяр таза айдемым шонен моштыдымо машинанаш савыра? Тыгай ег шойышташ, шольышташ тўгалеш. Наркотик, вўрыш логалын, айдемын кўргыжым кочкеш, ушыжым пудырата. Айдеме тудын кулышкыжо савырна. Кажне ег шкалан келшыше корным ойыра. Мый тыланет чын корным ойырен налме нерген ойлем. Кўлешан корным тапте. Спорт дене кылым кучо, усталыкетым да мастарлыкетым ончыкташ ит вожыл. Шке виетлан ўшане, шонымашкет шуаш тырше. Мыйын шонымаште, спорт да тунеммаш оккўл корно гыч коранаш полшат. А илышлан лач тыгай ег-влак кўлыт: таза, виян да ушан.

Наталья РЕПИНА.

Медведево гимназий.

## ЙОНҢЫЛЫШ

## КОРНЫШ ЛОГАЛМЕ ДЕЧ ШЕКЛАНЫЗА!

Тиде паша кодшо ий мучаште Марий Элыште эртаралтыше «Жить! Любить! Верить!» антинаркотический форум годым увертарыме «Мои аргументы против» темылан эссе возымо конкурсышто сеҗышыш лектын. Тиде серыш почеш Республикысе наркологий диспансерын диспансерно-поликлинический отделенийжым вуйлатыше врач-психиатр-нарколог **Н.Н.ДАНИЛОВА (снимкыште)** дене мутланена.



– Нина Николаевна, Натальян возымыжо шўмеш логалеш. Тудо творческий пашажым ял гыч кугу олашке тунемаш толшо шольыжлан возымо серыш семын чокен. Тўналтыште наркотикын айдемылан могай эҗгекым кондымыж нерген шонкала.

– Чынжымак, автор самырык гынат, наркотикын аяр улмыж, айдемын капкылжым лунчыртымыж, колымаш марте шуктымыж нерген чын умыла. Шольыжым да тендамат, лудшо-влак, йонгылыш корныш шогалме деч шижтарынеже. Кажне самырык ег наркотикын могай ойгым конден кертмыж нерген шоналтышаш.

– Рўдў прессылаште, телевидений дене шылтыде ойлат: кугу оксам ышташ шонышо-влак пытартыш жапыште наркотикым шаркалаш вес йўным кучылтыт. Ондакрак аяран пакетикым кид гыч кидыш пуэденыт гын, кызыт тўрлў вере шылтеден кодат. Вес семын ойлаш гын, «закладкым» ыштат.

– Чын. Но мо эн чот лўдыкта – тыгай осал пашашке утларак да утларак подростково-влакым, 15-17 ияш-влакым, ушат. «Тендан ийготда изи, закон почеш тендам огыт наказатле» манын шойыштыт. Интернетыште пеш чоян увертарымашым пуат, пуйто кўчык жапыште кугу оксам ыштен налаш лиеш. А подросткылан окса эре кўлеш. Ял гыч толшо рвезе-влакат тыгай осал кепшылыш пеш вашке логалын кертят. Мемнан деке тўрлў икшывым кондат: кўжў наркотикым шаркала, кўжў шкежак аяр дене кылым куча. Нуным ончет да чаманет, вет самырык илышыштым локтылыт.

Шукыштым закон почеш мутым кучаш шогалтат, эрык деч посна кодат.

– Марий Элысе наркологий диспансерын учётшытыжо ийготыш шудымо мыняр йоча шога?

– Чылаже 215 йоча. Тышечын 192 – арака йўмашлан, 15 – наркотикым кучылтмылан, 9 подростко токсикоманлан шотлалтеш. Весымат шотыш налман, йоча наркотик деквик ок тунем. Ондак аракам йўаш, тамакым шупша тўгалеш, вара наркотик деке кусна.

– Нина Николаевна, ял гыч кугу олашке тунемаш толшо ўдыр-рвезе-влаклан мом темледа?

– Пеш чын темлымаш-влакым Наталья Репинан серышыштыже лудына. Мый тыге каласем: осал компаний деч коранаш тыршыза, наркотикым я тамакым але аракам темлат гын, «огым» манын моштыза. Польш, ойкангаш кўлыт гын, мемнан деке толза. А ачава-влаклан шижтарынем: шочшыда тўшкагудыш илаш пурен гын, жапын-жапын комендант деке йынгыртен шогыза. Тунемме верысе преподаватель денат кыл лийшаш. Пачерым айлен ила гын, ончалаш миен толза – тергаш, шекланаш кўлеш.

Л. СЕМЕНОВА мутланен.

Республикысе наркологий  
диспансерын адресие: Йошкар-  
Ола, Комсомольский урем,  
81-ше №-ан пўрт.

Телефон: 8 (8362) 45-21-63 (сутка мучко),  
42-32-36 (8.00 гыч 15.00 шагат марте)



Реклама чотеш.

## Имне спорт нерген палет?

Марий Элысе имне спорт школын командыже 5-8 сентябрьште Саратов олаште конкур дене всероссийский тагасымаште лийын. Төрштыл кудалмаште Арабике лүман имныж дене Аня Сараева кок гана 1-ше, а Даша Чернова кок гана 2-шо верым налыныт. Открытый класс тўшкаште Бьюти имне дене Таня Полянина 1-ше верыш, Ютика имне дене Даша Егошина кумшо верыш лектыныт. Юля Голубева гын эре ончыл вер дене палемдалтын.



Катрина Данилевская 5 ияш Шанталь вўльыж дене имнешке-влакын зачѣтшышт кок гана 1-ше верыш лектын, ик маршрутышто – кокымшыш. Тудак Гран-при дене палемдалтын. Кум кече жапыште ўдыр-влак 6 шўртнў, 4 ший, 2 той медальым налыныт.

**Марий Элысе минспортын уверже почеш.**

Конкур – чарак-влак гоч имне дене тўрштыл кудалыштме тагасымаш.



Физкультура

Микуш Тале, виан. Модеш, тўрштылеш, куржталеш. Микуш пеш спортым йўрата. Спортсмен.  
**Кристина СТЕПАНОВА.** Морко, Эгерсола.

## Ончыза, кузе моштем!



Фотом еш архив гыч налме.

Йолын коштмо кужытлаште спорт туризм дене Российын чемпионатше Белгород олаште эртаралтын. Марий Элын чапшым «Виктория» спорт школын 14 тунемшыже арален. Марий Элын сборной командыже икымше верым сенен налын. командышт коклаште икымше лийыныт.

### Спорт увер

Футбол да регби дене спорт школын спортсменже-влак футбол дене модмаште Российын первенствыжын зональный этапыштыже тагасеныт. Спорт школ-влакын кылым кучем, мостикыш веле шогалын кертынам. Кызыт шпагатышкат шинчам, колесом, гусеницым да тулеч моло упражненийым ончыктем.

Мый изинек мураш, кушташ, сўретлаш йўратем. Спорт дене кылым кучем, гимнастике моткоч келша. 7 ияшем годым мый мостикыш веле шогалын кертынам. Кызыт шпагатышкат шинчам, колесом, гусеницым да тулеч моло упражненийым ончыктем.

**Таня ВАРАКСИНА.** Параньга, Памашъял.




**Вашмутым пуыза:** Волейболла эн ончыч кушто модыныт? Самбо спорт кушто шочын?



«Зарница Поволжья – 2019» военно-спортивный модмаште Волжский районисо Шарача школын командыже 10-шо верым налын. Гранатым кышкымаште да 1-2 километрым куржмаште эн сай результатом ончыктеныт.

## Тидым палаш огай

Хоккейым йўратыше-шамыч, тыланда йодыш: коробкысо ийым вес периодлан ямдылыше машинам кузе маныт? Тиде комбайным 1949 ийыште Замбони американ изобретатель шонен луктын. Тиде машина ресурфейсер маналтеш. Тудо ийым 15 минутышто ямдыла.  
**В.СМИРНОВ** ямдылен.



### Футболист

Мый футболым йўратем. Чемпион лияш шонем. Эх, капкаште сай шогем! Нигўат ок керт пуртен.  
**Максим ЕГОРОВ.** Национальный президент школ-интернат.

**Заданий:** Маскаигылан голым пурташ полшо.



**О**лыкышто шуко пеледыш лийын. Кажныже луман улмаш. Иктыжым «Мира» маныныт. Тудо моло пеледыш-влак деч моторрак койын. Мўкш, пачемыш, ошымшўлыш, эсогыл карме ден шыгажат ала-молан лач

Мирам ойырен налыныт. Шинчын, мотор улмыжлан моктеныт.

Садлан дыр моло пеледыш-влак Мирам пешыжак йоратен огытыл.

– Йолташем-влак, мылам ида сыре. Теат мыйын гаяк мотор улыда, – ойлен Мира. Но ала-молан ик пеледышат туддене мутланен огыл.

Мўкш, пачемыш, ошымшўлыш, шына, карме – нуныштат Мира дене мутым пелешташ жапым муын огытыл: эре ала-кушко вашкеныт.

– Йокрок илаш тўняште, – ойгырен

Мира.

Икана туддеке изи лыве чонештен толын. «Ой, могай мотор улат! – манын. – Лўмет кузе?»

– Мира. А тыйын?

– Мыйын – Зема. А молан тынар

## Келшымаш

(Йомак)

шўлыканы улат?

– Иктат мый денем ынеж кутыро, ынеж келше.

– Молан?

– Ом пале...

– Тугеже мый йолташет диям. Келшет?

– Келшем!

Мира ден Зема келшаш тўналыныт. Тиддеч вара Мира эше моторрак волгалтын. Тудо пален: лывын изи капыштыже моткоч кугу шўм ила.

**Катя РАССАНОВА.**

**Морко, Коркатово.**



## Чодыраште

*Ик шыже кечын школ гыч кайыдем годым шыже пўртўсын вашталтмыже шинчашкем перныш.*

*Корно дене мурен ошкылам. Мыйым авам поктен шуо. Тудо йочасадыште пашам ышта. Шўртнў шыжын кышажым эскерышыла, пўртўс лонгаш лекташ кутырен келшышна.*

**О**яр кечын авам дене чодыраш тарванышна. Ах, могай мотор шыжымсе чодыра. Могай гына сўретым от уж! Кожышто ур пўгыльмым пога, йўштў телылан ямдылалтеш. Куэрлаште куэвонго кушкеш. Кудыжым налашат от пале. Полан ден пызле мотор ўдырла йошкар тувырым чиен шогалыныт. Пўкшерме пўкшлан поян улмаш. Пўкшым шуко погышна. Изиш каналтымек, ончыко ошкылна. Мўндырнў огыл ала-могай кайык йўкым пуа. Лышташ-влак лумла эркын-эркын мландым-баке вельт.



**Т**ораштырак корем коеш. Коремыш волен гына шуна, шодырик шоктыш. «Мо тыгай?» – манын чарнен шогална. Ончена – шордо презыж дене. Вўдым йўйт. Вара лўдын кудальыч. «Вўдым подылаш тышке садикте эше толыт», – шоналтышымат, кинде падырашым пыштен кодышым.

**Ч**одыра тўрыштў понгым погышна. Чевер пеледыш чолмеш мотор деч мотор лышташ аршашым погышым. Гербарийым ышташ шонен пыштышым. Лышташ орам кўшкў кышкылт модым. Тидым авам фотоаппаратыш войзен шуктыш.

Кече кас вельш кайыш. Рўмбалгаш тўнале. Жап пеш писын эртыш. Шыже кече кужу огыл. Чодыралан таум каласен, мўнгў тарванышна.

**Ксения АХМАДИШИНА.**

**Пошкырт кундем, Мишкан, Ардаш.**

**Рвезе йўк**

## Ура, перемене!

Мемнан кокымшо классна Школыштына пеш гўжла. Переменым вучена, Каналташ пеш куржнена.

Онгыр йўкым колына, Коридорыш вашкена. Икте-весым поктылына, Писылыкым тергена.

Теве мемнан Илюшна Наташам модаш ўжеш. Ўдыр порын ончалеш, Пырля модаш шогалеш.

Максим кидшым шуялтен, Мыланем шыргыжалеш. Шоколадым кучыктен, «Коч, Ануш», – шыман манеш.

Онгыр йўк чыланнамат Угыч классышке ўжеш. Парт коклашке шинчына, Тунемаш тўналына.

**Анна ВИНОГорова.**  
**Звенигово, Красногорский.**

**Ш**а  
**р**а  
**д**е  
Тыгай тўсан  
кава коклан,  
Лиеш меран  
тыгай тўсан.  
Ик букважым ўштылат –  
Янлык деке логалат.



Конкурс

Изи ПОНГЫЗО



**Савва УТКИН.**  
Оршанке, Кугунур.

Тиде шулдыран тулаче  
шке пашажлан  
пешак паче:  
Кечыгут  
чонештылеш –  
эр тўналын,  
кас лиймеш.



[https://vk.com/yamde\\_lii](https://vk.com/yamde_lii) группышто конкурсын йўклы-машыжым тўналынна. Ушныза.



**Полина ТОЛСТОВА.**

Звенигово, Эгервож.



**Кирилл ИВАНОВ.**

Кужэнгер посёлко.

Нарынчалгаш тўналше  
эмалироватлыме ванным шинчал  
да уксус полшымо дене ошемдаш лиеш.  
\*\*\*

У вынык, помыла шуко жаплан  
ситышт манын, шовынан шокшо  
вўдыштō шинчыктыман.  
\*\*\*

Ковёрлан у гай тўсым пуртынет  
гын, кастене тыгыде шинчалым  
шаве да эр марте кодо. Вес  
кечын ночно ару лапчык  
дене ўштыл нал.



Шыже пагыт

Шыже пагыт, сылне пагыт,  
Йилан ик гана толат.  
Йоча-влакше, юарлалын,  
Рўжге школышко чымат.  
Кече ынде шўлыканын,  
Пыл коклаште папалта.  
Кайык-влакше,

йўштым шижын,  
Шокшо вельышке вашкат.  
Пушенгыште лышташлаже  
Кажне кечын оралгат,  
Тўрлō лыве семын модын,  
Эркин мландышке волат.

Шыже йўржō йўрмō годым  
Пўртўс шортмыла чучеш,  
Но туге гынат сōралжым  
Шыжымат ужаш лиеш.




**Маша ПЕТУХОВА**  
аваж дене пырля.

У Торъял,  
Элембай.

Шыже  
Йытыра, шōртнō.  
Кылмыкта, иктешла, чеверта.  
Шōртнō шыже толын.  
Куан.

**Дарина МУРТАЗИНА.**  
Морко, Эгерсола.



Сўретым чиялте.

Индекс: П4696.  
Тираж 1150 экз. Заказ  
Формат – А-4-8.  
Тўн редактор  
Л.В.СЕМЕНОВА.

[https://vk.com/yamde\\_lii](https://vk.com/yamde_lii)  
[https://ok.ru/yamde\\_lii](https://ok.ru/yamde_lii)  
E-mail: yamde\_lii@mari-el.ru,  
yamde\_lii@mail.ru  
Сайтын адресше: yamde-lii.pro,  
Тел. 8(8362) 45-22-82(факс)

УЧРЕДИТЕЛЬ-ВЛАК: Марий  
Эл Республикысе культур, печат  
да калык-влакын пашашт  
шотышто министерстве, «Ямде  
лий» газет» кугужаныш уни-  
тарный казна предприятий.

Газетым редакцийыште погы-  
мо да верстатлыме, «Марий Эл Республикысе Правительствын типо-  
графийже» ООО-што ямде оригинал-макет гыч савыктыме. Типо-  
графийын адресше: 424000, Йошкар-Ола, Комсомольский урем,112.

Газетым Массовый коммуникаций  
сферыште да культур наследийым  
аралымаште законодательством шук-  
тен шогымым эскерыше Федеральный  
службын Приволжский федеральный  
округысо управленийыштыже регист-  
рироватлыме.  
Номер – ПИ №ФС 18-1999,  
2005 ий 10 февральыште пуымо.

0+ Печатьыш пуымо жап – 14-00,  
фактически – 13-00

Авторын да редакцийын шоныма-  
шышт тўрлō лийын кертыт. Се-  
рыш-влак мōнгеш огыт колталт.  
Ак – кутырен келшыме почеш.

Редакцийын да издательын адресше:  
424006, Йошкар-Ола, СССР  
Вооружённый Вийын  
70-ше идалыкше урем, 20 (почтовый)  
Эгерўмбал Амстердам, 1  
(фактический).

